



**Vademecum Sive Praxis Opera Quotidiana Aliaque ritè  
peragendi, & per ea salutem & perfectionem propriam, ac  
proximi, instituto Societatis Jesu conformem assequendi**

De crebrâ per diem mentis in Deum elevatione ex omnibus, quæ per  
sensus attinguntur, animæque potentiis se objiciunt

**Limpens, Ferdinand**

**Coloniæ Agrippinæ, 1744**

§.6tus. Diversæ profesiones hominum circa mercaturam opiscia, eorum  
objecta & instrumenta.

---

---

**Nutzungsbedingungen**

[urn:nbn:de:hbz:466:1-54773](#)

236      *Pars secunda de elevatione*  
non pervenit res, ut ordo aliquis religiosus  
Jansenii placita suæ scholæ adjungeret. Ergo  
hac spe delusi, larvati Augustini discipuli con-  
scriptis de gratiâ victrice, eoque pertinentibus  
libellis florido ac elegante stylo gallico curio-  
sum muliebrem sexum castris suis adscribere al-  
laborârunt, in quo heroinas invenere, quæ cum  
viris pariter famosis caverunt, ne Jansenii Au-  
gustinus de gratia oblivionis sepulcro conderetur.

§. 6tus.

*Diversæ professiones hominum circa mercataram  
opificia, eorum objecta & instrumenta.*

*Mercatores.*

*S*imile est regnum calorum homini negotiatori.  
Math. 13. Negotiamini, dum venio. Luc. 19.  
Si nundinarum dies præteriit, sive tempus a Deo  
statutum, nil pro cælo amplius emendum, aut  
vendendum restat. An nescitis? quoniam non  
estis vestri. Empti enim estis pretio magno. I.  
Cor. 6. Omnes, que sua sunt (lucrum interelle)  
quarunt: non quæ f ESU Christi. Philip. 1. Ra-  
dix omnium malorum cupiditas. 1. Tim. 6. Ha-  
bentes alimenta, & quibus tegamur (etiam ne-  
gotiatione cum honesto lucro) his contenti so-  
mus. Nam qui volunt divites fieri, incident in  
tentationem, & in laqueum Diaboli, & in multa  
desideria inutilia & nociva (v. g. alios decipi-  
endi, quæstum ex usura faciendi) qua mergunt  
homini-

homines in interitum & perditionem. 1. Tim. 6.  
Vani filii hominum. Mendaces filii hominum in  
stateris. Ps. 61. Statera dolosa abominatione est  
apud Dominum, & pondus aequum voluntas ejus.  
Prov. 11. Aestimaverunt lusum vitam nostram,  
& conversationem vita compositam ad lucrum, &  
eportere undecunque etiam ex malo acquirere,  
Sap. 15. Implete & vos mensuram patrum vestro-  
rum. Matth. 23. Quà mensurā mensi fueritis,  
remetietur vobis. Matth. 7. Marc. 4. Qui dici-  
tis hodie, aut crastino ibimus in illam civitatem,  
& faciemus ibi quidem annum, & mercabimur,  
& lucrum faciemus. Qui ignoratis, quid erit  
in crastino. Pro eo ut dicatis, si Dominus volue-  
rit, & si vixerimus, faciemus hoc aut illud. Jac.  
5. Nervus Reipublicæ flos est mercaturæ, &  
quoad similia introducenda, cùm non omnis  
ferat omnia tellus, & quælibet sua habeat; de-  
berent laborare fideles Ministri Principum. Si  
minus sæpè exigeretur ex mercibus, plus per an-  
num inferretur in commune ærarium ob co-  
piam, quæ afflueret mercium. Mercaturæ in  
iis terris impeditur jugulum, in quibus ob po-  
tentiam Magnatum aut Nobilium Mercatori  
non licet liberè & impunè exigere debita. Sed  
hæc alterius sunt indaginis. Tu cogita, quid  
pro cælo facias, dum mercator tranat maria,  
noctu diuque cum summa defatigatione & fre-  
quenti vitæ periculo terras peragrat pro pecunia.

*Opifices in genere.*

E Ccl. 38. enumerantur varii Opifices operi  
suo perficiendo insudantes. Ostenditur  
corum

238      *Pars secunda de elevatione*  
eorum necessitas pro communi bono ; & ex hoc  
felices deprædicantur ; quod licet doctrinâ  
& dignitate non emineant ; inter labores tamen  
suos animum in Deum elevent. *Accommodan-*  
*tes animam suam* ( sive ejus curam gerentes )  
*& conquirentes in lege altissimi.* Adeoque mul-  
tis doctis & magnis virtutis feliciores sint. Inter  
Opifices non dignatus est numerari gentium  
Doctor. Artis eam erat scenofactoria Ad.  
Apost 18. & hanc eo sine exercuit , ut necesse  
non esset viatum sibi ab aliis administrari. *Ad*  
*ea , qua mibi opus erant , ministraverunt manus*  
*ista.* *Omnia ostendi vobis : quoniam sic laboran-*  
*tes oportet , meminisse verbi Domini IESU ; quo-*  
*niam ipse dixit , beatus est magis dare , quam ac-*  
*cipere.* Ad. 20. Ecce exemplar viri Apostolici.  
Suarez Tom. 4. de Relig. Tr. 10. occasione hâc  
ostendit differentiam inter religiosos fructifi-  
cantes apud proximum , ac fidelium ob religi-  
osa aut Apostolica ministeria muneribus ac elec-  
mosynis viventes juxta illud : *dignus est opera-*  
*rius mercede suâ ; & qui servit Altari , de Alt-*  
*ari vivat : & inter illos , qui vi instituti sui si-*  
*milia admittere non possunt. Vide sis , ne re*  
*ipsâ aliquid præter Deum & salutem proximi*  
*queras. Principes & Magistratus rem Deo gra-*  
*tam & reipublicæ utilissimam faciunt ; qui pro-*  
*miscuè pueros ac juvenes mendicos per plateas*  
*non tolerant , sed in publica ædificia , in qui-*  
*bus ob labores varios , viatum , vestitum , num-*  
*mosque labore manuum suarum sibi comparare*  
*possunt , compingunt. Sic turpis inverecun-*  
*dia*

dia & otium eliminatur , & opifcia , indeque  
varia proveniens negotiatio incrementum capi-  
unt . Nec ditioribus in iis pauperibus ( qui vel præ  
senio aut infirmitate laborare non possunt , vel  
præ verecundia emendicare erubescunt , & per  
adversa ad pauperiem redacti sunt ) materia de-  
crit cælum piis eleemosynis emendi .

## Faber.

**Q**uis formavit Deum ? & sculptile conflavie  
ad nihil utile ? Faber ferrarius limâ opera-  
tus est . Artifex lignarius extendit nor-  
mam , formavit illud in runcina [ idolum scili-  
cket ] Memento horum Jacob & Israel , formavi-  
te , ne obliviscaris mei . Is. 44. Applica tibi , qui  
ob creaturam , quam perdite amas , offendis  
Deum Creatorem tuum . Nonne hic est Fabri-  
filius ? Matth. 13. Sic Christus videri voluit ab-  
jectæ conditionis . Et quos tu sumos habes ? ut  
vel te tuorum inferioris fortunæ pudeat ; vel ob  
eos altius elevatos infleris .

## Figulus , Textor.

**P**recisa est velut à texente vita mea , dum ad-  
huc ordiner , succidit me , de mane usque ad  
vesperam finies me . Is. 38. Reges eos in virga fer-  
rea , & tanquam vas figuli confringes eos . Ps. 2.  
Nunquid dicit figuratum ei , qui se finxit , quid  
me fecisti sic ? an non habet potestatem figulus luti  
ex eadem massa facere aliud quidem vas in hono-

240      Pars secunda de elevatione  
rem, aliud verò in consumeliam? Rom. 8. Deum  
in multa patientia sustinuit vasa ire apta in inter-  
ritum; ut ostenderet divitias glorie sua in vase  
misericordie, que preparavit in gloriam. Ibid.  
Ex magnis scilicet peccatoribus magnos facien-  
do Sanctos.

Sutorum, Sartorum objecta.

**S**olve calceamentum de pedibus tuis (terrenos  
affectus) Locus enim [templum ordo reli-  
giosus] in quo stas, terra sancta est. Exod.,  
Nolite portare sacculum neque peram, neque calc-  
amenta. Luc. 10. Superflua viro Apostolico re-  
secanda. Argentum & aurum, aut vestem nul-  
lius concupiri, sicut ipsi scitis. Act. 10. Taliter  
posse loqui gloriosum est viro Apostolico, etiam  
justitiae Ministris. Quomodo huc intrasti (ad  
Sacrum, Communionem, Oratorium) non ha-  
bens vestem nuptialem. Matth. 22. Gratiae san-  
ctificantis. Proferte stolam primam, & induite  
illum. & date annulum in manue eius, & calce-  
menta in pedibus ejus. Luc. 15. Filius prodigus  
symbolum peccatoris in gratiam recepti. Ipsi  
peribunt [cæli] tu autem permanes, & omnes  
sicut vestimentum veterascent, & sicut operorium  
mutabis eos. Ps. 101. Quasi putredo con-  
sumendus sum, & quasi vestimentum, quod co-  
meditur à tinea. Job. 13. Quis est iste? qui ve-  
nit timidis vestibus de Bosra? quare rubrum est in-  
dumentum tuum, & vestimenta tua sicut calcan-  
tum

tium in torculari? torcular calcavi solus. Il. 63.  
 Christus flagellatus, crucifixus, totus sanguine suo per torcular passionis inundatus. Diviserunt sibi vestimenta mea, & super vestem meam miserant sortem. Matth. 27. Tunica inutilis symbolum veræ Ecclesiæ non ferentis scissionem in unitate fidei & morum. Christus apparuit veste dissiliâ, & hoc Arium fecisse dixit, sicut & ex post alii id fecerunt Hæretici fidelibus interim ( veram Ecclesiam constituentibus ) in unione permanentibus, ubi mira elucet Dei providentia; quod, dum una dictio deficit, alia ad veram fidem accedit. Sic deficiente Germaniâ, Angliâ &c. gentiles in utraque India veram fidem ex gentilismo amplexi sunt. O felix tempus! quando erit unum ovile & unus Pastor. Intincta tunica Joseph in sanguine hædi figura est tunicæ Christi sanguine ejus proprio imbutæ. Interim magnus pro textoribus & sartoribus honor, quod Christus tunicam habuerit inconsutilem, quæ indivisa mansit sub Cruce, eamque Beatissima Virgo dicatur adaptasse.

## Ad pistinam spectantia.

**M**odicus fermentum totam massam corrumpit. ad Gal. 5. Exigua passio, minus defecata intentio corruptit meritum, & unus malus multos bonos. Comedit panem ( subcinericum ) & ambulavit in fortitudine cibi illius 40. diebus & 40. noctibus usque ad montem Dei

L

Horeb.

242      Pars secunda de elevatione  
Horeb. 3. Reg. 19. Applica ad panem Euchati-  
sticum usque ad transiitum in eternitatem nos  
confortantem. *Ego sum panis vite, qui venit  
ad me, non esuriet.* Joan. 6. *Panis, quem ego  
dabo, caro mea est pro mundi vita.* Ibid. *Beatus  
qui manducabit panem in regno Dei.* Luc. 14.  
*Lazarus cupiens saturari de muis, quae cadebant  
de mensa divitis, portatus ab Angelis in finum  
Abraha, dives sepultus in inferno.* Luc. 10.

*Cocorum labores pricipui ut prandia Cœnæ  
convivia.*

**N**on potestis mense Domini participes fieri, &  
mense Demoniorum. 1. Cor. 10. Parishi  
in conspectu meo mensam adversus eos, qui tribu-  
lant me. Ps. 22. Hoc æger viaticum accipiens  
cogitet. *Dispono vobis, ut edatis & bibatis super  
mensam meam in regno meo.* Luc. 22. *Daniel  
serve Dei tolle prandium, quod misit tibi Deus.*  
*Recordatus es mei Deus, & non dereliquisti dilu-  
gentes te.* Dan. 14. *Beati, qui ad Cœnam Na-  
ptiarum Agni vocati sunt.* Apoc. 19. *Convenien-  
tibus vobis in unum, jam non est Dominicam Ce-  
nam manducare.* Et alius quidem esurit, aliis  
autem ebrius est. 1. Cor. 11. *Agape olim vo-  
cantur convivia Christianorum, in quibus pa-  
peres ditiorum ære simul cibabantur, & Episco-  
pi habebant semper hospites, advenas, paupe-  
res.* Vidi Anno 1737. Romæ in Sacello S.  
Gregorii, & ejusdem nominis Abbatia men-  
sam lapideam, in qua hic Sanctus indies pasce-  
bat

bat duodecim pauperes , mensæ incisum erat  
distichon sequens :

*Bis senos hic Gregorius pascebat egenos,  
Angelus & decimus tertius accubuit.*

Si pateris , ut Angelus sit decimus tertius con-  
viva non homo mortalis , vana superstitione du-  
ceris ; quod intra annum unus ex tali numero  
moriturus sit . An non facilius moreretur ali-  
quis ? aut etiam Judas inter illos esset ? si v. g.  
convivæ essent viginti . Utinam magis practicè  
crederetur Evangelio , quam superstitiosis ejus-  
modi placitis . Cum facis convivium , voca pau-  
peres , debiles , claudos & cacos , & beatus eris ,  
quia non habent retribuere tibi . Retribuetur enim  
tibi in resurrectione justorum . Luc. 14. Quando  
scilicet dicitur : *Esurivi , & dedistis mihi man-  
ducare , &c.* Matth. 25. *Homo quidam fecit cæ-  
nam magnam , & vocavit multis . Excusârunt  
le invitatum ob ductam uxorem , tum ob vil-  
lam , & boves emptos , & repræsentant negli-  
gentes cælum ob temporalia . Et hinc asseverat  
Christus , dico vobis , quod nemo virorum illorum ,  
qui vocati sunt , gustabunt cœnam meam . Luc.  
14. Euntes parate nobis Pascha , ut manducemus .  
Ostendet vobis cœnaculum magnum stratum , &  
ibi parate . Luc. 22. Multi ab Oriente & Occi-  
dente venient , & recumbent cum Abraham , Isaac ,  
& Jacob in regno calorum . Filii autem regni ejus-  
cidentur in tenebras exteriores . Matth 8. Vnde dan-  
nandis Christianis , Religiosis , Sacerdotibus .*

*Fecit grande convivium cunctis Principibus .  
Vinum quoque magnificentia Regia dignum erat*

244. *Pars secunda de elevatione  
abundans. Et pricipuum ponebatur. Nec era,  
qui NB. nolentes cogere ad bibendum. Esth. 1.  
Et hinc etiam non sunt ortæ rixæ. Ubi alias,  
dum studetur calicibus epotandis. Prov. 23. Ve-  
tus verificatur adagium : *Septem convivium, no-  
vem convitum.* *Convivium* teste Tullio est quā  
*conjunction vitarum.* Sed sāpē *convivium* habet  
vitam in nomine, mortem in omni. Hinc S.  
Ambros. Lib. de Elia ait ; *Vocatis ut amicos, di-  
mittitis ut inimicos.* *Quanto melius in terram IHA  
vina fudisse.* *Quid te delectant dannata sine gra-  
tia ? rogans ad iucunditatem cogis ad mortem,*  
In quovis convivio convivantes assimilantur al-  
phabeto, aliqui enim sunt vocales, qui lo-  
quuntur, aliqui consonantes, qui sua addunt,  
alii mutæ, qui tacent, alii liquidæ, qui im-  
pigrè bibunt, & alios loqui sinunt. Facetè fina-  
gebat aliquis esse tres sedes in capite hominis,  
& quatuor stultos in stomacho, qui pedentim,  
& quò magis protrahitur haustus, in caput  
ascendunt. *Primus* est serius & gravis, qui ex  
tribus sedibus unam occupat. *Secundus* est com-  
plimentosus & hilarius, qui post aliquot com-  
plimenta facetias & sales & ipse sedem occupat,  
*tertius* est disputator, & ut ostendat doctrinam  
suam, negat, probat, demonstrat, &c. & tan-  
dem fessus in tertia se sede collocat. Tandem  
protracto ulteriùs potu quartus stultus scilicet  
rixosus in caput ascendit. Et cùm æquè præ-  
tendat sedem ac alii tres, & hi suas ei cedere no-  
lunt, oriuntur rixæ, sedes cum stultis agitantur,  
levantur, deprimuntur, &c. & est plena confu-  
sio in cerebello.*

Geta

Geta Imperator apposuit integrum alphabetum ferculorum, erat tunc facilè fieri litteratum, cùm litteræ devorantur. Scribitur in ejusmodi litteratum tyrocinio in charta bibula & maculatoria juxta illud in Ep. Judæ v. 12. & 13. *Hic sunt in epulis suis macule convivantes sine timore [ vel reverentiâ erga Deum & homines ] semetipso pascentes, despumantes suas confusiones physicè & moraliter. Corpus crapula, mentem libidine, convivas obscenis verbis & aspectibus aut pestiferis principiis inficientes. Honestata sint casta & frugalia convivia tua cum amicis Deum timentibus, ut Patriarcharum olim fuerunt ; excessus in iis sicut culpandus est, ita & defectus, si instigeris ab avaritia. Et in hunc sentum dicitur Eccl. 2. Quid proderit homini de universo labore suo. Cumq[ue] dies ejus erumpni pleni sunt, nec per noctem mente requiescit. Nonne melius est comedere & bibere, & ostendere anima sua bona de laboribus suis, & hoc de manu Dei ?*

*Varia quibus Ceci intuntur ad parandos cibos.*

*Sicut adipe & pinguedine repleatur anima mea,  
& labiis exultationis laudabilis os meum. Ps.  
67. Prodiit quasi ex adipe iniquitas eorum, trans-  
fierunt in affectionem cordis. Ps. 72. Butyrum & mel  
comedet, ut sciat reprobare malum & eligere bo-  
num. Is. 7. Id est, nutritur Salvator ad ostendendum,  
quod verum corpus humannum as-  
sumperit, cibis infantilibus, ita ut per expe-  
rimentalem scientiam gustu nōrit discernere ci-*

246      *Pars secunda de elevatione*  
bos bonos , & palato gratos ab ingratis & ma-  
lis , item res alias bonas crescente ætate sciat di-  
stinguere à malis. *Impinguasti in oleo caput me-*  
*um , Et calix meu inebrians quām preclarus est!*  
*Pſ. 12. V. g. in epulo Eucharistico. Pones eis*  
*in ciborum ignis in tempore vultus tui ( eos con-*  
*demnantis ) Dominus in ira sua conturbabit eos ,*  
*& devorabit eos ignis. Pſ. 20. Scilicet sicut ligna*  
*in accenso cibano. In igne probatur aurum &*  
*argentum , homines verò ( in cælum ) receptibi-  
les in camino humilationis. Eccl. 2. Quia hæc est*  
*moneta in & pro cælo valens. Si esurieris ini-  
micus tuus , ciba illum. Si sitit , potum da illi.*  
*Hoc enim faciens carbones ignis congregabis super*  
*caput ejus ( Quanquam tale malum ei imprecari  
non debeas , sed etiam affectu vincere in bono  
malum ) nolivinci à malo , sed vince in bono ma-  
lum. Rom. 12.*

*Inſtrumenta Coquorum.*

*Cultri , fascinulae , lebetes , olla.*

**F**ac tibi cultrös lapideos ( cote acutos , non  
enim necesse erat semper adhiberi lapideos )  
& circumcidē secundo filios Iſrael. Jos. 5. Id est ,  
instaura morem circumcidendi semper conti-  
nuatum usque ad exitum ex Ægypto. Et hinc  
ad primum ingressum terræ promissæ voluit  
Deus necdum circumcisos circumcidī. Sic mo-  
raliter circumcidī debet quoad passiones & af-  
fectiones malas ex ſæculo ingrediens religionem ,  
ſacros

sacros suscipiens ordines , & si quid post novitatum expletum mali expost germinis propulavit ; circumcidendum secundò in ȝtiæ prob. anno. Prophetæ Baal incidebant se juxta ritum suum cultris & lanceolis. ȝ. Reg. 18. ut scilicet Baal eos exaudiret. Similia in honorem Mahomet & Idolorum à sacrificulis adhuc fiunt. Et quid tu facis pro vero Deo ejusque gloriâ delicate Christiane religiose ? Quando sederis, ut comedas cum Principe , diligenter attende, quæ apposita sunt ( ne in crapulam te impellant ) & statue culrum in gutture tuo. Prov. 23. Hoc est, refræna linguam , restringe gulam quasi cultro gutturi apposito , quo juguleris , nisi caveris, ne aliquid per imprudentiam aut loquaris aut agas , quod tibi vel aliis periculum creet. Filii Heli , filii Belial nescientes officium Sacerdotum ad populum. Quicunque immolasset victimam , veniebat puer Sacerdotis , dum coquerentur carnes, & habebat fascinulam tridentem in manus sua , & optima quæque collebat Sacerdos sibi. Non incesto juxta morem , sed vi rapto adipe. 1. Reg. 1. Sic verè etiamnum nesciunt officium Sacerdotum ad populum , qui quò potentiores ac in majoribus præ aliis constituti sunt , eò subin iniqüores vi Deo & subditis debita rapiunt , de pinguedine terræ incrassantur , & de rore cæli inebriantur. *Juda Rex meus [ Christus ex tribu Juda ] Moab lebes spei mee.* Ps. 107. Moabitarum regio fertilissima , è qua velut olla plena multum sperandum. In terra Ægypti sedebamus super ollas carnium. Exod. 16. Ità loquitur

248      *Pars secunda de elevatione*  
inquietus tepidus religiosus , cui præ manna  
cælestium consolationum & gratiarum , quod  
fastidire incipit , placet prior in sæculo libertas  
aut spurca voluptas. *Mors in olla vir Dei.* 4.  
Reg. 4. Amaritiem sustulit *Elisæus* injectâ sati-  
nâ , non vi farinæ naturali , sed supernaturali  
inditâ. S. Hostia devotè sumpta tollit amari-  
tiem cordis. *Ollam succensam ego video , & fa-  
ciem ejus à facie Aquilonis.* Jerem. 1. Scilicet  
malum veniens à Babylone , & evomens ignes  
in Judæam & vicina regna. Tales ollæ in pœ-  
nam peccatorum sunt hostiles exercitus sive ab  
Aquilone sive septentrione , aut alio de loco  
veniant. O quot ollæ succensæ in inferno!  
*Sicut sonitus spinarum ardentiæ sub olla , sic risus  
stulti.* Eccl. 7. Sicut enim spinæ tantum crepan-  
tum non diuturnam flammam submini-  
strant , nec carnes coquunt. Sic risus stulti  
sive adulatoris nil boni efficit.

Cùm de instrumentis , quibus coquuntur ci-  
bi , ipsisque esculentis hactenus hæc sermo fue-  
rit , incidenter quoque agendum breviter de  
controversia , quam habemus cum Sectariis ra-  
tione eiborum certis diebus aut temporibus ab  
Ecclesia prohibitorum.

### Subsectio sexta.

*De diebus jejuniis , abstinentia , Quadragesima , &c.*  
1<sup>mo</sup>. **F**Alsum est esse tantum præceptum ho-  
minum abstинendi à certis cibis. Nam  
Gen.